

تورک یوردی

ناشری : تورک یوردی

مدیری : آق چوره اوغلی یوسف

۱۳۳۲ صای ۳ ۷ نیسان ۱۳۳۲ ییل ۵ جلد ۱۰ صای ۱۰۷

ای ابدی شاعر ، ایچنه نور کله لریکی دالغالریکک وزن و آهنگیله برله شیدیر و بر داستان یاپ ۱ ده نیرک قلی شمریکک حس و روحیله استغرافه دالمش .. افقار و داغلر ، سکا حیران ، سندن اعتلادیله یور . بر صنعتکله کوزه لشدی ، گوک شمرکله بو قادار یوکسه لدی .

سندن طبیعت کوزه لک ، بز عشق و روح آیورز . نور دالغالرکده امید نشیده لرینی اوقویور ، سنی بابر انعمده کوردیکه مفکوره ایچین ابدی بر عشق دو یوروم .

ماقی افقارده ، قیرسزی بایراقارده یوکسه ل و دالغالان ، ای ابدی شاعر و ای ابدی شمر ... سن ، بایراغمزده دالغالاندقجه ، روحزده عشق و روحک ، آلهی آیدینلک وار ، قلبزده کوکلرک و سمت و علوتی ، ده نیرک قوت و حشمت .. ابدیاً پاشا و تختکدن ایته ، ای تورک تاجی !

مصطفی مله

اقتصاد

چکن ییلده ملی استحصال

- بانی ییل ۵ - جله ۱۰ - صای ۲ ده در . -

در ییلک و سر املی صنعتی حال عادیسنده بزده اونه دنبری موجود در . حال تکاملنده بر قاج بویوک و بر قاج ده کوچک فابریقهیه منحصر درک ، بونلرک دری و کوسه له اعمالاتی اجنبی اعمالاته تقرب ایده بیلیر . ۳۳۱ سنه سی ، علی العموم صنایع جلدیهی بالطبع صنایع حریبه دن عد ایتدیکی ایچون بوسنعمده اونه دنبری تورکک موجود علاقه سنه و احتیاجه نظراً ، شایان دقت بر تکامل کورولمشدر . حربک بدایتدن بری بکقوز فابریقه سی ایله تماتی و سراجخانه لر ایله مراکز ولایاتدن بعضیلرنده وجوده کتیریلن عملخانه لر صورت منتظمه ده ایشلیه رک دری ، کوسه له وجوده کتیرمکده ، طاقار اعمال و قوندره احضار اولونمقده در . مملکت داخلنده قالمش اولان کوسه له لر ایله وجوده کتیریلن قوندره خارجنده تماماً یرلی مالی و درسی اوله رق یاییلان عسکری و غیر عسکری قوندره لر ، کرک مقدار و کرک اوصافجه شایان تقدیر بر درجه یی بولمشدر .

صنایع جدریه ، بو جهتدن اردویه اشد لزومی اولدیغه نظراً صنایع حریبه دن تاقی ایدیلکله برابر ، بر جهتدن ده عموم خلقجه معمولاتی استهلاک و استعمال ایدیلدیکنه کوره ، پک عام و مهم زمره صنایعدن معدود در . مملکت مزده ۳۳۱ سنه سی عمومیتله سراجلق و قوندره جیلق سنه سی در ، افراد خصوصیه تک قوندره جیلق اعمالاتی ، خارجدن ادخالات امکانش بر حاله کیردیکنه بناءً بستیون باشقه بر نسبت و درجه ایشدر . مع مافیه ، مواد ابتدائی نقصانی و کفایتسزلکی ایله برابر عدم مکملیتی یوزندن اعمالات مأمول اولدینی درجهیه بالضروره و ارامامش و بعض دارالصناعه لرجه مواد ابتدائی تدارک ایدیله بیلدیکی ، اعمالاته کرمی و یریلدیکی حالده ، بعضیلرنجه عینی زمانده اعمالات همان همان طور مشدر . « عسکری سراجلق آنونیم شرکتی » ایله « بکرزاده حاجی امیر حسن » تجارتخانه سنک و اونلره پیرو اوله بیلن بعض کوچک اصنافک مسعود برسنه کچیرمش اولملری اقتضا ایدر . قوندره جیلق صنعتیه مربوط اوله رق چیوی ودها سائر بعض مالزمنه تک کذلک بوسنه داخل مملکتده اعمالانه امکان حاصل اولمشدر . مع مافیه ، بواعمالات هنوز بالطبع نه احتیاجه کافیدر ونه ده پک منتظم و مطلوبه موافق بر حاله در .

صنایع انشای بوسنه اولدقجه طورغوندر. کراسته تدارکی داخلدن کسب مشکلات و غلا ایتدیکی کبی، خارجدن تدارکی بستیون امکانشز قالمش اولدیغنه نظراً، مملکت مزده اوتهدنبرو تشکل ایتیش اولان کوچک، بویوک مرانغوزلق، موبیله جک، صندوقچیلق، فوجیچیلق کبی صنایع ایله اوانشا آتی و امثالی صنایع انشایه، سنه بی پک آ ز فعالیت ایله کچیرمشلردر. صنایع انشایه نك بعض اقسامی تماماً صنایع حربیه دن عدایدلمکده در. اوردو لوازمی وجوده کتیردیکی فابریقه لر ایله نقلیات عسکریه بی تهویه مدار اولان برچوق عربله انشا ایتیش و ایتیمکده بولونمشدر؛ جهت عسکریه بروسده برقاچ و استانبولده متعدد انشا آت دستگاهلری یا بمش و مملکت مزه پک زیاده توافق ایدم جک، نسبة خفیف اولمغه برابر متین برموده له کوره، اعمالات عظیمه اجرانسه موفق اولمشدر. جهت عسکریه نك برموده لی اناطولینک کافه اقسامنه قانونی بر صورتده تعمیم ایدیم جک، اناطولی قاغی آرابه سی ایله دیگر نمونه لردن، جهت عسکریه نك تشبث و معاوتی سایه سنده، آتیا قورتاریله جقدر.

انشاآت بحریه حقنده مملکت مزده نظردقی جلب ایدم جک تشبثات خصوصیه غیر موجوددر. استنبیه ده کی انگلیزشرکتک فسخ امتیازی ایله ترسانه طرفدن آلته رق ایشلدیلسی و دیگر برطاقم کوچک فابریقه لرك جهت عسکریه جه چالیشدیریلمسی ده دلالت ایدرکه، انشاآت بحریه صنایع مهمه حربیه دندر. صنایع نسجه مملکت مزده شکل اخیر اقتصادیسنی آله مامش ایه ده، مختلف محللرده دولته و افراده متعلق فابریقه و دستگاهلر اکسیک دکدر. صنایع نسجه قسماً صنایع حربیه دن، قسماً خرج عام صنایع عادیه دندر. صکره، کوچک مقیاسده، اروم اولور ایسه سوق و اداره ایدمک ممکن اولدینی و ضرورت زمانلرنده الکعادی دستگاهلر ایله ایش کورمک بیلله احتیاج عظیمه نظراً قورتاردینی ایچون، صنایع نسجه، صلح زماننده کی شکلی برار تبدیل ایدرک، ۳۳۱ سنه سنده فعال برحیات کچیرمشدر. بو فعالیت نسجه برمعانده در. بعض صنعت نسجه واردرکه، خالیجیلق کبی، اعمالات مقداری واجناسی اعتباریله عظیم طورغونلق ایچنده در. هر سنه عثمانلی مملکت نده ۸-۱۰ میلیون لیرالق قیمتده مختلف نوع و جنسده خالی اعمال ایدلدیکی و بوسنت عثمانلی مملکت نده مثلاً زیتون یاغی و دانه سی شعبه زراعیه سی و حتی الک مهمجه حیواناتدن بعضلری درجه سنده حاز اامت اولدینی حالده، ۳۳۱ سنه سی بوسنتی طوردر برمشدر. برکت ویرسون که، بوسنت اهلی اولانلر تعطیل عملیات و یا خود تنقیض اشغال ایتدکلری صره ده، دیگر بعض ایشلر ایله اشتغال ایدم بیلیمکده در؛ سرمایه دار اولانلرده بویوک سرمایه دوکونش دستگاهلره، ثابت ماکنه لره غیر مالک اولدقلرندن، بورج ایچنده دکدرلر. کوچک شکل و نسبتده اجرا ایدیلن بوسنتک برار طورمسی ایشجیلره ضربه ایه ده، صنعت، سرمایه دکدر؛ غرضی دور بجران کچر کچمز، دستگاهلر همان ایشله مکه باشلایه جقدر.

۳۳۱ سنه سی خالی معمولاتی مجموعی انجق ۵۰٪، حتی ۴۰ درجه سنده تخمین ایدیمکده در. حربک خالیجیلغه تأثیرینی قولای آکلادابیلیرز: معمولاتمک الک بویوک واساسلی قسسی بردفمه مالک اجنبیه کیتیمکده در. خارجه شیمدی اخراجات منقطعدر. صکره بعض مواد تدارکی صعوبتلیدر. بناء علیه، خالیجی تجار سپارش آلمدقلری ایچون دستگاهلرینی طوردر برمشلردر. عکرلک سی و عمل اوزرینه بوراده تأثیرینی آراماملی، چونکه، اکثری ایشجیلر قادین و جوجقدر.

حرب اخراجات امتعهسى اولان خاليچىلىق نصف نصفه دوچار عطالت ايتىمكه برابر ، ادخالات امتعهسى اولان بعض نسيجاتك مملكت داخلنده تأمين اجراسنه اساس حاضرلامقده در . هله مواد ابتدائيهسى مملكتده مبدولاً بولان آلات وادوات مغلقهيه احتياج اوليان برطاقم مصنوعات نسيجه واردركه ، بونلرى آز وغيرمنتظم مقدارده ذاتاً بعض ىرلى ارباب صنايع اعمال ايتىمكه اولدقنلار ، ۳۳۱ سنهسى خالى دستكاهلرى طورديردىنى زمان ، بعض دستكاهلرى حركته كتىردى ، يكي دستكاهلر قوردىردى . باخصوص ، اوتهدنبرى موجود اولان وعبا ، شاياق چيقارايىلن فابريقهلر كيجىلى ، كوندوزلى چاليدىلر . ايزميت ، هرکه ، قره مرسل فابريقهلرى ايله آيدىن ، حلب واطنه ولايتلرى داخلنده بولان بويوك دستكاه و فابريقهلر جهت عسكريه دن دخى عظيم سپارش ومعاونتلر آله رق ، ۳۳۱ سنهسى غايت فعال بردوره عمل اوله رق كچىردىلر . مملكت داخلنده موجود يكرمى يكرمى بش فابريقه نك بعضلرى كذلك معاونت سايه سنده اصلاح ايدىلدىكى كچى ، بالا طده شاياق طوقومق ايچون يوك ايلدىكى احضارينه مخصوص صوك سيستم آلان ماكنه لرى ايله مجهز براپىلك فابريقهسى ، تشبث شخصى ايله تأسيس ايدىلدى .

۳۳۱ سنهسى كوچك نسج دستكاهلرى ايچون ايلدىك بوكن وا يكره ن ماكنه لرك ، آلترلك اصلاحي سنهسى اولمغله آريجه ممتاز برسنه در . كچى سنه نك مارتى اورتالرنده بولیده يوك اكىرمك ايچون ارباب صنايع دن برى مى آلات موجوده يى اصلاح ويكى بر نمونه اعمال ايله ، سى وعملك قيمتى ۳-۴ مثلى مشرايتىمكه موفق اولمشدر . آلت ظن ايدىلدىكى كچى ، بر كشف وا اختراع عظيم دكلدر ؛ كوچك بر اصلاح ايله وجوده كتىرلش يكي بر نمونه در ؛ حتى ، بو آلتك تجربه سى استانبولده ياپيله رق كونده بر اوقه دن زياده يوك اكىرمك امكانى حاصل اولش وماضيده كى حاملزه نظراً ، بو آلت ۵-۶-۷ دفعه فضله بر موفيت تأمين ايدىلدىكى كوستر مشدر .

مملكت داخلنده ۳۳۱ سنهسى ، پاموق بىزى ، كتن بىزى ، چوراب وبالحاصه عظيم مقدارده چوال اعمالى اك زياده حسن نتيجه يه ايرديرلش صنايع نسيجه دندر . يالكىز استانبول ۲ آى مدت ايچنده ۲۰۰ عمله ايله ۴۰۰ بىك قوم چوالى وجوده كتىر مشدر . اعمالات ، اصناف جمعيتلرى طرفدن آت ميداننده دستكاهلر ايله سوق واداره ايدىلشدر . شيمدى ، تشكيلات براز ايلرى يه كوتوريلدى ، مقدار عمله يالكىز بوراده [۸۰۰] . ابلاغ ايدىلش اولدينى ايچون ، اعمالات تنوع ايتديريلمكه ، عسكره لازم اولان پالاسقه ، تفنك قايشندن آمريقان بزينه قدر برچوق منسوجات ياپيلمقده در .

استانبول جوارنده موجود بر ايب فابريقه سيله قره دكز جوارنده بعض دستكاهلر ايب بوكمك ، اورغان ، خلاط وجوده كتىرمك اوزره مملكتك عظيم احتياج عسكرى و عمومى سنى استيفايه چالشمقده درلر . ايام اخيره ده مكتب ، دارالصناعه وساثر صورتلر تشكىل ايدرك واسع مقياسده صنايع نسيجه دن بر قاجنى ايفسا ايتىمكه اولان تشبثات اقتصاديه ده نظر دقتى جلب ايلميدر . بونلرك اهميتى بوكونكى مقدار وكيفيت اعماللرى ، ماكنه لرك يكيلى وساثره نقطه نظرندن دكلدر ؛ تجربه وامتحان سنهسى ، اولان ۱۳۳۱ سنه سىك استقباله حاضرلق سنه سى ماهيتنى حائز اولديغنه دلالت ايدمك احوال اصل بونلردر . استقبال صنايعمىزى اداره ايدمك انسانلر صنعتكار ، اوسته ، قالفه ، چراق

حالتده حاضر اوله رق بو مؤسسه لردن چیقاققدر .

قسماً اصناف جمعیتیرینک تحت حمایه سنده بولنان و قسماً معارف نظارتی ایله دوائر سائریمه مربوط اولان بو نوع مؤسساتده طوقومه جیلک ، ترزیلک ، صنعت الکتریکه ، قوندره جیلک ، مرانفوزلق ، دمیرجیلک ، تنکه جیلک ... الخ الخ اقسام صناعیه موجوددر ۸-۱۰ بیلک ، مقدارینه یاقین ارکک و قیز طلبیه مالک اولان بوتشکیلات ، بالخاصه دارالحربده اولمش شهیدلرک یاورولرندن بکی حربله باهاری کی حرم ایله کیریشه بیلمک ایچون اقتصاد مجاهده اوردوسی یتشدیرمک مقصدینی استهداف ایلکده در ۳۳۱ سنه سی خلاصه اقتصادیه سنده بو تأسیساتلک بر قیمت ماده سی یوقدره فقط ، بوتون ملتک موقیت اساسی بویولده حاضر لادقلرینی تاریختک دلالتی ایله بیسلیکمزدن ، بونوع تشکیلاته قیمتی غیر قابل تقدیر بر فصل آچق اقتضا ایدر .

صنایع نسجیه نک بر ازیقیملده مقدمه اولدینی بواضا حاتدن آکلا شیلیمقده ایسه ده ، نه وجوده کتیردیکی ونه قدر بر بوشلق بو حرکت سایه سنده طولدیریلدینی بللی دکلدر . حتی ، تقریبی بر حساب ایله انجق بز شوقدر دییه بیلیرک زک خارجدن انقطاع ادخالات سببیه حصوله کان احتیاج نسجیمزک انجق ٪ ۱۰ فی داخلده تأمین ایدیله بیلمش و برده مختلف شکلده اوردونک عرض وجودایدن احتیاجاتی ، بعض عبا و قاشلر قسماً مستثنا اولق اوزره ، بالقاً ماباغ استیفا اولونه بیلمشدر .

بالخاصه ، تأسس ایدن دیکمخانه لر بوبابده عظیم فائده لر حصوله کتیرمشدر . اصناف جمعیتی استانبولک بش آلتی محلیده یک واسع ترزی آتیه لر و وجوده کتیره رک ، لازم کان آلات و ادواتی جمع ایش و استانبولده صیقی و بویوک بر تشکیلات احداثه تمیل قورمشدر . حاضر البسه جی اصنافک احتیاجلرینی تسویه و ترزی ایشجیلرینه ایش ندارک ایتک اوزره وجود بولان ب آتیه لر قشاش بولنه مامسندن طولایی آلان ایشلیه مامکده در .

ترزیلک صنعتی ایله مانیفاطوره جیلک ۳۳۱ سنه سنده طورغون کتیمشدر . منلا استانبولده موجود ۱۲۰ مسلمان ترزیخانه سنک اوزرینه آنجق بر قاچ ده ا علاوه ایدیلش ایسه ده ، عمومیتله سنه حرک افراد بودجه سنده اوینادینی تخریبکار رول ترزیلک و تحافیه جیلک عالنده ناخوش تأثیر یایمقدن خالی قالمیور ، ایش اولمایور . خاتمله مخصوص اوله رق وجوده کان « استهلاک ملی ترزیخانه سی » ایشسرک یوزندن چارناچار قاپانمشدر .

صنعت نقلیه کذلک بلا واسطه حرکک تأثیری آلتنده بولنان صنایعدندر .

خارج ایله اتصال کسیدکدن و بالخاصه آق دکر ، اطه لر دکر ، شاب دکر ایله قره دکرده سفان عثمانیه و کوچک ، بویوک یلککنیلر ایله معونه وسائر مراکب بحریه جه سیروسفر تهلکیه دوچار اولدندن صکره ، هم احتیاجات حربیه و هم احتیاجات عادیة اقتصادیه ایچون اناطولینک ایکی مرکزی ایله بر شهر ساحلیسندن استانبولده و جوارلرینه قدر متمد اولان دمیرویللری و برده روم ایلی شمندوفر ایله یکانه اک بویوک طریق مواصله دن عبارت قالدی . مرمره دکر ای بر آراق دشمن تحت البحرلرینه جولانگاه اولدینی ایچون ، دکر مناقلات تجاریه سی آز چوق انقطاعه اوغراد و نقليات باشقه یوللر ایله اجرا ایدیلکده باشلادی . واپور نقلیات برینه جرأتکار معونه جی و قایقجیلرک همتی قائم اولق

اقتضا ایدیور؛ کومور، اودون، مالزمه نقلیاتی عمومیتله بو طرزده اجرا ایدیور ایدی. بناء علیه کوچک سیرسفر داخلی قایقچیلار طرزنده بک فعال بر حیاته کیردی. حتی ملی و وطنپرورانه بر جرأت بر آراق سیرخارجی نقلیانتکده بو طرزده اجرایی تأمین ایتدی. رومانیادنده استانبوله وقره دکنز سواحلنه کنیریلن غازلرک قسم مهمی مپ بوسابهده جلب ایدیلدی. طریزونک جسور تک قایقچیلری مهم یارارلق ایتدیلهکه، آتیده بونلرک منقبه لری داستان ایدیلهرک سویلنه جک و حرب عمومیده تورک صنعت نقلیه سنک نهایت الامر ۷۰-۸۰ دن زیاده اولیان کوچکلی بویوکلکی قضای بحریسندن ماعدا، سلامت و متانتله سوافیدیلهدیکی افتخارایله آکلادیله جقدر. واقع اولان قضالره رنما، ۱۳۳۱ سنه سنده اسلاملرک وایورجیلغه اولکنندن قات قات فضله هوس کوستردیکی و بوطاتلی و تهلیکه لی تجارت اقتصادی دن تورکک لدت آلدینی نظر دقتی جلب ایتمکده در، تورک عنصرینک نقلیه جیلکه اولان بوسنه کی انهما کی ایله فدا کارلنی مکافائسز قالماش، بلکه شایان تقدیر فائده براقشدر.

اجرا ایدیلن محللرده نقلیات بحریه عادی سنلردن زیاده ویاخود اوکا یقین بر فعالیت کوسترمکده در. مثلاً بوغاز ایچی سفرلرینه مختلف سبیلردن طولانی آسکی درجهده وایور تخصیص ایده مامک ایله برابر «شرکت خیریه»، ۱۳۳۱ سنه سنده ۶۰۰ بیگ سیویل، ۵۰۰ بیگ طلبه، ۵۰۰ بیگ ضابط، ۲۰۵ میلیون عسکر یولچی، یعنی جمعا یکون ۱۱ میلیونی متجاوز انسان طاشیمش و ۱۰۰ بیگ لیرایه یاقین حاصلات عمومیه یایه بیلمشدر. واقعا حاصلات عمومیه یی تأمین ایدن نقلیات ایچنده، مرمره داخلنه اداره عسکریه نامنه یاپیلان سفرلری اونوتماق لازمدر؛ کذلک، ۳۶۰ بیگ غروشه یاقین عادی یوک نقلیاندن حصوله کلن حاصلاتی ده نظر دقت اوکنده بولندیر مق ایجاب ایدر. فقط، هر حالده بوغاز ایچی سفرلری کچن سنلره نسبتله بویوک بر تنزل کوسترمکله برابر، یومی ۲۰-۲۵ بیگ یولچینک دونه انجمامشدر. کچن سنلرده بریلتک وسطی میثاتی ۴۶-۴۸ باره اولدینی - لده، بوسنه انجق ۳۶-۳۷ باره قدر دوشمشدر. مرمره نقلیاتی بوجهتمه کی ضررلری تلافی به خدمت ایتدیکی و قضایه اوغرایان ایکی سفینه نکده تضمینی اساسی قبول ایدیلش بولندیفی ایچون، شرکت خیریه نک ۳۳۱ سنه سی نتیجه حسابیه سی علی الوسط ۷،۵٪ درجه سنده تمتع توزیعنه مساعد اوله جقدر.

بوندن آکلایه بیلیرزک، نقلیات بحریه ۳۳۱ سنه سنده حرب تأثیری ایله ملایم بحران کچرمکده احتیاط، تدبیر و حسن فداکاری نقلیه شرکتلرینی هم اوردو، وطن ایچون وهم کندیلری ایچون بک فائده لی بر عنصر حاله کتیرمکده در.

خلیج وایور شرکتک احتیاطسز و بصیرتسزلکی، و کومور تدارکنده کی بحریکسزلکی بر آراق تعطیل مناقلاته قدر کندیسنی سور وکله مش ایسهده، مؤخرآ دولتک معاوتنی ایله شرکت کندیسنی طوبلایه بیلمش وایشه دوامده متانت کوستریلمکه باشلانمشدر.

صنعت نقلیه منسوب اولان ونسبه مرفه بر حال کچرن شرکتلردن بری ده «تراموای شرکتی» در. واغونلرینک نقصانی و دیگر بعض احتیاطسز لقلری طولانیسیله یکی شبکه لار تأسیس حالندن اوزاق اولان تراموای شرکتی، واغونلرینی توزیع و استانبول قطعاتنه تقسیم ایتک خصوصسنده بحرکلیک کوسترمه مامک و متمادی شکایاتی مستلزم اولق ایله برابر، عمومی بحرانندن اک آز متأثر اوله رق سوق

مصلحت ایتمکده در . مراکز ولایاتده اولان تراموایلر استانبوله نظراً ، نسبی بر بحران کچرمکده بردوامدرلر .

بوکونکی محصور مملکتهمزده فعالیت اقتصادی بی نظم ایدن و مختلف محللرک محصولاتی ارسنده موازنه تأسیس ایلین وسائط: نقلیات بحریه دن زیاده شمند و فرلرمز واونلره یاردیم ایدن قره یوللرمزدر . قره یوللرینک ۳۳۱ سنه سنده مجدداً عمله طابورلری طرفندن یاپلان و تعمیر ایدیلن مقدار عمومی خیلی بویوکدر؛ فقط ، ۶۰۰-۷۰۰ بیسک کیلومتر لوق جسم بر قطعه نك یول موجود ضعیفه ضمیمه واقع اولان بوانشآت و تعمیرات بالطبع آزدر . بناء علیه اک مهم «بحرای انتقال» ینه دمیر یولیدر .

دمیر یوللرمز طبیعی هرشیدن اول مناقلات عسکریه بی تأمین ایتک مجبوریتنده در . اوندن صکره ، فضله قالان مقدار مناسب واغون ، نقلیات عادیة تجاریه یه تخصیص ایدیلک لازمدر ، ایجاب حاله کوره بعضا مناقلات عادیه برایکی کون دوام ایتک اوزره ، انقطاعه اوغرامقده ، بعضاً تأخرات واقع اولمقده در .

بوکی سبیلردن ماعدا ، عمومیته نقلیات مطلوبه و ممکنه نظراً ، واغون مقدارینک نقصانی اداره عسکریه بی مناقلات عادیه ایچون دوشوندیرمکده و حکومت بوراده بدرانه بروضیت ایله مهما ممکن هرجهتی تطیب ایدمک تداییر اتخاذینه مجبور قالمقده در . خطک نقصانی بو باده یاییلاجق هر نوع تنسیق تدبیرلری زیر وزیر ایدمک ماهیت اساسیه در : واقعا ، خطک دها کوزل استعمال و واغونلرک دها مطرر بر صورتده سوق ایدیلسی بلکه ده ممکن اوله بیلیر؛ فقط ، تأمین ممکن اولان بواصلاح و اقتصاد نهایت خطک قابلیتینی $\frac{10}{100}$ نهایت ۲۰ نسبتنده تزیاده خدمت ایدر؛ اونک فوقده باشقه برشی یایمق قابل دکلدر .

آناتولی خطی ۳۳۱ سنه سنده اجرا ایلش اولدینی نقلیات عمومی بیله حاصلات غیر صافیه جه حد اعظمی یه واصل اولش و دولتدن کیلومتر و تضمیناتی طلبنه لزوم قالمامشدر . دیمک ، خط بوسنده $\frac{7-8}{100}$ و بلکه ۱۰ درجه سنده بر تمتع توزیعنه همه حال مقتدر اوله جقدر .

م . زهیری .

تعلیم و تربیه

تربیه ده محبت و نفوذ [۱]

فن تربیه عالملری مربیلرده و معلملرده ، موفقیتلری ایچون ، بعض اوصاف ارامشدر؛ لاعلی التعمین هر کسک مربی و معلم اولایلمه سی دوری اوزاقلاشدقجه مربی لکک و معلملکک صفتلری ده کیتدکجه دها بویوک بروضوله سچیلیمکده در . تماس ، مثال ، تجسس ، تلقین ... قانونلری فن تربیه ده مهم موقعلر طوتویور . اک ای بر عسکر ، اک ای بر معمار ، اک ای بر رسام ایچون خصوصی وصفلر آرایلمقده اولدینی کی روحیات قانونلری موفقیتله تطبیق ایدم بیله جک اوصافی حائر شخصیتلری ده بولمق لازمدر .

(۱) نفوذ autorité مقابلیدر .